

### 0.0.1 mahāpadesadesanāsuttam

1. ekaṃ samayaṃ bhagavā bhoganagare viharati ānandacetiye. tatra kho bhagavā bhikkhu āmantesi bhikkhavoti. bhadanteti te bhikkhu bhagavato paccassosum. bhagavā etadavoca:

2. cattārome bhikkhave mahāpadese desessāmi. taṃ suṇātha sādhukaṃ manasi karoṭha bhāsissāmīti. evaṃ bhanteti kho te bhikkhu bhagavato paccassosum. bhagavā etadavoca: katame ca bhikkhave cattāro mahāpadesā?

3. idha bhikkhave bhikkhu evaṃ vadeyya: "sammukhā metaṃ āvuso bhagavato sutam sammukhā paṭiggaḥitaṃ ayaṃ dhammo ayaṃ vinayo idaṃ satthusāsana" nti. tassa bhikkhave bhikkhuno bhāsitaṃ neva abhinanditabbaṃ. na paṭikkositabbaṃ. anabhinanditvā appaṭikkositvā tāni padabyañjanāni sādhukaṃ uggaḥetvā sutte otāretabbāni. vinaye sandassetabbāni tāni ce sutte otāriyamānāni vinaye sandassiyamānāni na ceva sutte otaranti na vinaye sandissanti, niṭṭhamettha gantabbaṃ: addhā idaṃ na ceva tassa bhagavato vacanaṃ arahato sammāsambuddhassa. imassa ca bhikkhuno duggaḥitanti iti idaṃ bhikkhave chaḍḍheyyātha.

4. idha pana bhikkhave bhikkhu evaṃ vadeyya: "sammukhā metaṃ āvuso bhagavato sutam sammukhā pa-

ṭiggahītaṃ ayaṃ dhammo ayaṃ vinayo idaṃ satthusā-sana" nti. tassa bhikkhave bhikkhuno bhāsitaṃ neva abhinanditabbam na paṭikkositabbam. anabhinanditvā appaṭikkositvā tāni padabyañjanāni sādhuḥkaṃ uggahetvā sutte otāretabbāni. vinaye sandassetabbāni. tāni ce sutte otāriyamānāni vinaye sandassiyamānāni ceva sutte otaranti vinaye ca sandissanti, niṭṭhamettha gantabbam: addhā idaṃ tassa bhagavato vacanaṃ arahato sammāsambuddhassa. imassa ca bhikkhuno suggahītanti. imaṃ bhikkhave paṭhamam mahāpadesam dhāreyyātha.

5. idha pana bhikkhave bhikkhu evaṃ vadeyya: "amukasmim nāma āvāse saṅgho viharati sathero sapāmekkho. tassa me saṅghassa sammukhā sutam sammukhā paṭiggahītaṃ ayaṃ dhammo ayaṃ vinayo idaṃ satthusā-sana" nti. tassa bhikkhave bhikkhuno bhāsitaṃ neva abhinanditabbam. na paṭikkositabbam. anabhinanditvā appaṭikkositvā tāni padabyañjanāni. sādhuḥkaṃ uggahetvā sutte otāretabbāni. vinaye sandassetabbāni. tāni ce sutte otāriyamānāni vinaye sandassiyamānāni na ceva sutte otaranti, na vinaye sandissanti, niṭṭhamettha gantabbam: addhā idaṃ na ceva tassa bhagavato vacanaṃ arahato sammāsambuddhassa tassa ca saṅghassa duggahītanti. iti hidaṃ<sup>1</sup>. bhikkhave chaḍḍheyyātha.

---

bjt page 328

<sup>1</sup> itihetaṃ - machasaṃ.

pts page 169

6. idha pana bhikkhave bhikkhu evaṃ vadeyya: "amukasmim nāma āvāse saṅgho viharati sathero sapāmekkho. tassa me saṅghassa sammukhā sutam sammukhā paṭiggahitam ayaṃ dhammo ayaṃ vinayo idam satthusāsananti". tassa bhikkhave bhikkhuno bhāsitam neva abhinanditabbam. na paṭikkositabbam. anabhinanditvā appaṭikkositvā tāni padabyañjanāni sādhu kam uggahetvā sutte otāretabbāni. vinaye sandassetabbāni. tāni ce sutte otāriyamānāni vinaye sandassiyamānāni sutte ceva otaranti, vinaye ca sandissanti, niṭṭhamettha gantabbam: addhā idam tassa bhagavato vacanam arahato sammāsambuddhassa. tassa ca saṅghassa suggahīnti. idam bhikkhave dutiyam mahāpadesam dhāreyyātha.

7. idha pana bhikkhave bhikkhu evaṃ vadeyya: "amukasmim nāma āvāse sambahulā therā bhikkhū viharanti bahussutā āgatāgamā dhammadharā vinayadharā mātikāddharā. tesam me therānam sammukhā sutam sammukhā paṭiggahitam ayaṃ dhammo ayaṃ vinayo idam satthusāsana" nti. tassa bhikkhave bhikkhuno bhāsitam neva abhinanditabbam. na paṭikkositabbam. anabhinanditvā appaṭikkositvā tāni padabyañjanāni sādhu kam uggahetvā sutte otāretabbāni. vinaye sandassetabbāni. tāni ce sutte otāriyamānāni vinaye sandassiyamānāni na ceva sutte otaranti, na vinaye sandissanti, niṭṭhamettha gantabbam: addhā idam na ceva tassa bhagavato vacanam arahato sammāsambuddhassa. tesaṃca therānam duggahīnti. iti hidam bhikkhave

chaḍḍheyyātha.

8. idha pana bhikkhave bhikkhu evaṃ vadeyya: "amukasmim nāma āvāse sambahulā therā bhikkhu viharanti bahussutā āgatāgamā dhammadharā vinayadharā mātikāddharā tesam. me therānaṃ sammukhā sutam sammukhā paṭiggahītaṃ ayaṃ dhammo ayaṃ vinayo idaṃ satthusāsana" nti. tassa bhikkhave bhikkhuno bhāsitaṃ neva abhinanditabbaṃ na paṭikkositabbaṃ. anabhinanditvā appaṭikkositvā tāni padabyañjanāni sādhu kaṃ uggahetvā sutte otāretabbāni. vinaye sandassetabbāni. tāni ce sutte otāriyamānāni vinaye sandassiyamānāni sutte ceva otaranti, vinaye ca sandisanti, niṭṭhamettha gantabbaṃ: 'addhā idaṃ tassa bhagavato vacanaṃ arahato sammāsambuddhassa. te sañca therānaṃ suggahīta' nti. idaṃ bhikkhave tatiyaṃ mahāpadesaṃ dhāreyyātha.

9. idha pana bhikkhave bhikkhu evaṃ vadeyya: "amukasmim nāma āvāse eko thero bhikkhu viharati bahussuto āgatāgamo dhammadharo vinayadharo mātikāddharo. tassa me therassa sammukhā sutam sammukhā paṭiggahītaṃ ayaṃ dhammo ayaṃ vinayo idaṃ satthusāsana" nti. tassa bhikkhave bhikkhuno bhāsitaṃ neva abhinanditabbaṃ. na paṭikkositabbaṃ. anabhinanditvā appaṭikkositvā tāni padabyañjanāni sādhu kaṃ uggahetvā sutte otāretabbāni. vinaye sandassetabbāni. tāni ce sutte otāriyamānāni vinaye sandas-

siyamānāni na ceva sutte otaranti, na vinaye sandisanti, niṭṭhamettha gantabbaṃ: 'addhā idaṃ na ceva tassa bhagavato vacanaṃ arahato sammāsambuddhassa. tassa ca therassa duggahīta' nti. iti hidaṃ bhikkhave chaḍḍheyyātha.

**10.** idha pana bhikkhave bhikkhu evaṃ vadeyya: "amukasmim nāma āvāse eko thero bhikkhu viharati bahusuto āgatāgamo dhammadharo vinayadharo mātikā-dharo. tassa me therassa sammukhā suttaṃ sammukhā paṭiggahitaṃ ayaṃ dhammo ayaṃ vinayo idaṃ satthusāsana" nti. tassa bhikkhave bhikkhuno bhāsitaṃ neva abhinanditabbaṃ. na paṭikkositabbaṃ anabhinanditvā appaṭikkositvā tāni padabyañjanāni sādhu-kaṃ uggahetvā sutte otāretabbāni. vinaye sandasse-tabbāni tāni ce sutte otāriyamānāni vinaye sandassiyamānāni sutte ceva otaranti, vinaye ca sandissanti, niṭṭhamettha gantabbaṃ: "addhā idaṃ tassa bhagavato vacanaṃ arahato sammāsambuddhassa, tassa ca therassa sugahīta" nti. idaṃ bhikkhave catutthaṃ mahāpadesaṃ dhāreyyātha.

**11.** ime kho bhikkhave cattāro mahāpadesāti.